



# Kattusseqatigiit Partiiat

September 2010

UKA 2010/63

Inatsisartut suleriaasiata § 35-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

**Qanoq iliornikkut Sulisitsisut nunatsinneersut, pisortat sanaartugassanik aamma aatsitassarsiornerup olie-siornerullu iluani suliarinnittussarsiuussisarnermut atatillugu suliassanik amerlanerpaanik suliassaqartinneqarnissaasa qulakkerneqarsinnaanera pillungu inatsisartut oqallinnissaanik siunnersuut.**

(Inatsisartunut ilaasortaq Loritha Henriksen, Kattusseqatigiit Partiiat).

## **Tunngavilersuut:**

Siunnersuut tusaannarlugu oqartoqarsinnaangaluarpoq, suliassat taamaattut sulisitsisut kattuffiisa suliassaringai. Kisianni tamatta nalunngilarput, ukiorpassuarni pingaartumik sulisitsisunit mikinerit naammagittaalliuutigineqartuartartoq – suliffeqarfissuit nunatta avataaneersut suliassanik annertuunik tigusingaangata suliffeqarfiit mikinerit suliassaaleqilersartut.

Taama pisoqartanera Kattusseqatigiit Partiianiit soorunami isiginngitsuusaaginnarsinnaangikkipput isumaqarpugut, minnerunngitsumik aatsitassarsiorneq uuliasiornerlu eqqartorneqaraluttuinnartillugit aammalu qularnanngitsumik siunissami suliassaqarfippassuit pilersinneqartussaanagerat eqqarsaatigalugu.

Kattusseqatigiit Partiianiit isumaqarpungut ajornartorsiut qaangerniarlugu sulisitsisut kattuffii peqatigalugit ajornartorsiut qaangerniarlugu naalakkersuinikkut aqquutissiuusseqataasariaqartugut, sulisitsisut aamma mikinerit suliakkerneqartarnissaat qulakkeerniarlugu aaqquissuussilluarnikkut.

Taamaattumik Kattusseqatigiit Partiiani isumaqarpugut Kalaallit Nunatsinni sulisitsisut angisuut mikisullu suliassaqartuarnissaat qulakkeerniarlugu aamma sulisitsisut kattuffiiniit peqataaffigineqartumik suleqatigiisitaliortoqarsinnaaneranut inatsisartut qanoq isumaqarnersut paaserusunnarpoq.

taamaaliornikkut avataaniit unammillerneqarnermut illua-tungiliisinnaanermut nukittorsaaqataasussamik.

Kattusseqatigiit Partiianiit neriuutingaarput oqallinneq angusaqarluarfiusumik ingerlanneqarumaartoq.